

## 7. Kesišurâneh

Šuurrântiervuodah tääbbin Ukselmauáiváá enâduvâin!

Tiädáh-uv tun, ete mii šuurrân tääl, ko lii keesi?  
Mun jiem uáivild helikopter jiemge kirdemmaašin.  
Mutâ kal taah-uv šurijdeijeh, maid mun kuulâm, mättih kirded!  
Taah šurijdeijeh, main mun sáárnum, láá čuoškah.  
Láá-uv tobbeen tuu enâduvâin čuoškah?



Motomin mäddiláá puáttám madhâšeijeh váhá omâšeh taid mii čuoškâid,  
mutâ mij tääbbin Laapist ässeeh penttâ aibâšep taid!  
Ij keesi lah mihheen, jis iä lah valjeest šurijdeijee čuoškâpoolvah.

Tiädáh-uv tun, ete maht čuoškah tuođai puáti?  
Heh, iä toh tiädust-uv kirdemmaašinâin puádi,  
iäge junâin eissigin,  
peic toh šaddeh jyehi keesi já jyehi peeivi uđđâsist.  
Teikâ siämmáš čuoškâ šadda tuše ohtii.  
Čuoškâ šadda čáácán, láadun tâi monnii eres lahtâ sajan mannejum maaneest.  
Já čuoškâ eellim puáhtá joskâđ,  
ko tot kárttá pešnirihháá tâi monnii eres lode tâi kyele njáálmán.

Mii loddeustevéh käibideh čuoškâid.  
Maangah lodeh poreh čuoškâid tâi eres tiivrijd.  
Meid kuálásteijee käibid čuoškâid.  
Kuálásteijee ij puurâ čuoškâid,  
mutâ kyeleh poreh.  
Ko lii liegâs já čuoškah šurijdeh čäsuáivist,  
kyeleh pääñih ilolávt já pivdeh čuoškâid purrâmuššân.  
Talle mottoom tain puáhtá toppid meid kuálásteijee pivdusân.  
Ko lii čuoškiis šonñâ, te mun-uv moonâm pivdeđ olssân kuolijđ purrâmuššân.



Kuávžur vuojad šelis juuvâst.  
Talle kuávžur puáhtá toppid veikâba muu vuogân.  
Kuávžur lii mučis kyeli.  
Paajaabeln tot lii tevkâdub, masa čappâd já vuoluubeln tot lii kuovgâdub.  
Kuávžurist láá mučis ruopsis já čapis tiälhuh.  
Motomin mun puávtám eelliđ uággumin vuáskunijđ jäävríst.

Vuásku lii njäälgis,  
mutâ tast láá viehâ ennuv täávtih.  
Já vuáskun veepsih čyeggejeh čuuvtij.  
Vuáskun kalga-uv kiedâvuššâđ várugávt,  
amas häävih šoddâđ suormáid.

Kidđuv, ko jienah láá eidu vuálgám,  
te mun pivdám puškoid.  
Puškoost-uv láá tiálhuh siijđoin.

Ko muu peeljiijn kulloo eidu tääl korrâ čuoškâsuurrân  
já muu čuávjist njoorrân,  
te mun väzzilâm juhâriidon.  
Tobbeen mun vissásávt kodám kuolijđ taan niälgán.

Šuurrântiervuođâiguin,


*Elska*

*Kufittâr saavâid, culâniđ já šurâniđ tehi čaaliđ Kristiina Aikio. Jurgâlus Tanja Kyrö.*




### **Monnjâšurâneh:**


1. Ivniï kuávžur / puško / vuáskun
2. Sáargu stuorrâ čuoškâpoolvá.
3. Piejâ enâmân vielgis kággá. Vyerdi muáddi miinut. Rekinist, ete kalle tivre toos láá siäivum. Tuudhâ luuppijn tâi styeredemlaasáin toos kirdám tiivriđ. Kalle sierâlagán tivre tun kaavnah? Tuudhâ, ete kalle jyelgi já kalle suájá tivreest láá?
4. Čokkáá olgon šiljoost moskočolmij já kuldâl čuoškâi šuurrân, mii lii jiešlágán keppâmuusik konsert!



**Puško - Hauki**



**Kuávžur - Taimen**



**Vuásku - Ahven**